



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 59. Philippi IV. Hispaniarum Regis, & Sigismundi Austriæ Archiducis
Oenipontani necnon Mantuæ obitus.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

super querebantur Hungari, qui Neofolium a Regno suo abstrahi, pacemque se infcisi, violatisque privilegiis concludi indignantes, pro more suo prædatum excurrerant, ac obvios quosque tam Turcas quam Cæsareos adoriebantur: tandem Hungariæ Proceres sævis Turcarum excursionibus, rapinis, cædibus & incendiis territi, Possonii conclusæ paci subscribere, postquam inter utramque partem conventum, ne arx Zeichelheida solo æquaretur, integrumque esset Cæsari, Guttam, Commoram minorem, aliaque loca munimentis firmare: nihilominus præfata arx die decima nona Januarii hoc adhuc anno diruta est.

Sæc. XVII.
A. C. 1665.

§. LIX.

Philippi IV. Hispaniarum Regis, & Sigismundi Austriæ Archiducis Oenipontani necnon Mantuæ Ducis obitus.

Recuperatæ pacis lætitiâ haud parum turbabat Philippi IV. Hispaniarum Regis obitus: Hic die duodecima Septembris periculosa febre obrutus, cum extenuatæ vires postremam mortis horam præfagirent, expiata conscientia, sacro Viatico, ac extrema unctione muniri petiit, filioque suo

Priorat

l. c. l. 6.

Hode Hist.

Louis XIV.

lib. 28.

Brandeis

fama Au-

striac. p. 343.

Nani Hist.

Venet. t. 2.

M 4

bene

Sæc. XVII. bene precatus, Reginæ Conjugi justitiæ administrationem, filiique educationem impense commendavit: aucta demum morbi violentia, ac linquente vitali calore, contentiosius, laboriosiusque meatum animæ trahere cæpit, sibi tamen semper præsentissimus inter luculenta pietatis ac pœnitudinis signa tandem die decima septima ejusdem Mensis animam suam Deo reddidit, annos quinquaginta novem, menses quinque, & novendecim dies natus: Princeps erat inter tot bella, & subditorum rebelliones, animo intrepidus, ac constans, suimet victor, ac nunquam immoderato iræ impetu, vel cæco ultionis desiderio, aut illicita ambitione devictus: Eminuit religionis Catholice studio, & virtutum cultu, munificus erga benemeritos, liberalis in pauperes, ac denique erga noxios justitiæ severitatem clementia temperare assuetus: Referunt nonnulli, magni hujus Regis mortem fuisse acceleratam male actæ juventutis vitiis, necnon dolore immodico ob nuperam cladem, qua bello in Lusitanos moto die decima septima Januarii ad Villam Vitiosam Hispani castris exuti, fusi fugatique fuerunt, desideratis peditum sex, & Equitum duobus millibus quadringentis. Vitio etiam vertitur, quod regiminis

minis curam Ministris suis relinquens. Sæc. XVII.
 Catalanæ & Lusitanæ jacturæ causa A. C. 1665.
 extiterit. Porro Philippus Successorem
 habuit Carolum II. quadriennem, sub
 tutela & Administratione Matris suæ
 Marianæ, Ferdinandi III. Cæsaris Fi-
 liæ: Præcesserat ferale hoc fatum in-
 opina mors Sigismundi Francisci Au-
 striæ Archiducis ex Tyrolensi linea
 postremi. Hic cum esset Augustanus,
 Tridentinus & Gurcensis Episcopus &
 Cardinalis, mortuo Ferdinando Carolo
 Fratre suo hæc Sacerdotia abdicavit,
 ac sequenti anno spe propagandæ fa-
 miliæ suæ, procurante Comite Joanne
 Georgio Königseck Sulzbaci die deci-
 ma tertia Junii cum Maria Hedwige
 Augusta Christiani Sultzbacensis Pala-
 tini Ducis Filia matrimonium iniit;
 cum autem ad solemnem nuptiarum
 confirmationem cuncta splendidissime
 pararentur, Archidux die vigesima se-
 cunda ejusdem Mensis, cum ex vena-
 tione incalesceret, ac frigidæ potum
 fumeret, apoplexia tactus die vigesima
 quinta Junii, nondum expleto trigesimo
 quinto ætatis suæ anno diem supremum
 Oeniponti explevit. Accepto tam in-
 faustæ mortis nuntio Leopoldus Vien-
 næ Mense sequenti Oenipontum pro-
 fectus, Tyrolensis Comitatus ad se
 devoluti possessionem adiit.

Sæc. XVII. Par fatum subiit hoc anno die de-
 A. C. 1664. cima sexta Augusti nonnisi triginta sex
 annos natus Carolus III. Mantuæ Dux,
 qui ex Isabella Clara Leopoldi V. Au-
 striæ Archiducis Filia hæredem reliquit
 Ferdinandum Carolum tredecennalem
 puerum. Denique die vigesima octava
 Septembris Monachii decessit Maria
 Anna Ferdinandi II. Cæsaris filia, &
 Maximiliani Baviaræ Electoris Coniux,
 quæ nonnisi annos quinquaginta quin-
 que nata virtutibus, & prudentia *Jenæ*
Matrona nominabatur.

§. LX.

*Baccius Aldobrandinus Cardinalis
mortuus.*

*Ciacon. in
vita Inno-
centii X.*

Hoc item anno eadem mortis vestigia prefferat Baccius Aldobrandinus Nobilis Florentinus, qui in sua juventute a morum innocentia, naturæ lenitate, mentis candore, ac indole ad virtutem, & gloriam & dignitatem nata commendatus, literisque apprime excultus Innocentii X. Papæ gratiam sibi facile conciliabat, a quo etiam præter omnem expectationem Cardinalarius, Vaticanæ Basilicæ Canonicus, ac demum Presbyter Cardinalis renuntiabatur: Obiit autem die vigesi-